



09-06-2015

Inatsisartut suleriaasianni § 37 naapertorlugu Naalakkersuisunut imaattunik apeqqutissaqarpunga:

- 1.**  
**Siulittaasup naalakkersuisoqarfiani pisortap 2014-imut tusagassiorfinnut tapiissutip tunniunneqarusunnginneranut atatillugu "tunngavilersugaallunilu unioqqutitsisuunnginneraalluni" oqaaseqarneranut Naalakkersuisut isumaqataappat?**
- 2.**  
**2014-mut tusagassiorfinnut tapiissutip tunniunneqarusunnginneranut aalajangiinerup tunngavilersugaallunilu unioqqutitsisuunnginneraanermut atatillugu tamanna illup iluani avataanniillu inatsisitigut naliliiffigineqarsimava? Taamaassimappallu naliliinerup tamassuma kopiiyanik periusuppunga. Naliliineq e-mailikkut, oqaaseqaatikku assigisaatigullunniit pisimappat kopiiyanik perusuppunga.**
- 3.**  
**Kingorna tusagassiorfinnut tapiissutip tunniunneqannginnissaanut tunngasoq tunngavilersugaanngitsutut inatsisinillu malinninngitsuusutut akuerineqassappat taava 2014-imut tusagassiorfinnut tapiissutip tunniunneqarnissaanut Naalakkersuisut Aningaasaqarnermut ataatsimiititaliamut immikkut aningaasaliissutissamik qinnuteqarniarpat?**
- 4.**  
**Naalakkersuisut isumaat naapertorlugu Aningaasanut inatsisip aningaasaliissutissanut allassisortai ataasiakkaat missingersuutaappat? Budgetlovemi § 11-mi allassimagaluarpoq missingersuusianut ilaatitat Aningaasanut inatsimmi oqaasertaliussatut nassuiaatitut ittuusut.**
- 5.**  
**Pisaq pillugu Inatsisartut inatsisilerituuisa inatsisitigut nalilersuutaat Naalakkersuisunit tiguneqarsimava, taamaappallu Naalakkersuisut sutigut naliliinermut isumaqataannginnerlutik paasissutissiissutigisinnaavaat?**
- 6.**  
**Inatsisartut Siulittaasuat naalakkersuisoqarfiup tusagassiorfinnut tapiissummut suliarinninnera kusanaatsuunerarlugu AG-mi oqaaseqarpoq. Peqatigitillugulu taamatut suliaqarneq siunissami ileqquliunneqassanngitsoq neriulluni oqaatigivaa. Inatsisartut siulittaasuannit naliliinermut taamaattumut Naalakkersuisut isumaqataanngillat?**

(Inatsisartuni ilaasortaq, Naaja H. Nathanielsen)

### **Tunngavilersuut**

Inatsisartunut ilaasortatut 2014-imut tusagassiorfinnut tapiissummik tunniusserusunnginnermut pisamisut Aningasanut Inatsisip oqaasertaasa missingersuutitut Naalakkersuisut isiginninnerat isumakulunnartoqartippara. Isumaga naapertorlugu pisaq tusagassiorfinnut tapiissutaannarmut tunngasuunani tunngaviusutut taasariaqarpoq.

Ullut suliffiusut qulit iluanni apeqqutima akineqarnissaat kissaatigaara.